



唐詩紀事卷第三十五

陸暢

崔元翰

張建封

皇甫湜

李翱

麴信陵

孟郊

盧仝

劉义

楊巨源

陳羽

王履正

彭伉

辛弘智

歐陽詹

焦郁

袁高

陸暢

暢字達夫吳郡人韋臯雅所厚禮天寶時李白為蜀道

難以斥嚴武暢更為蜀道易以美臯鄭注亂以前少尹與注計事斬注首

嘗吟對雪落句云天人寧底巧剪水作花飛

又山齋翫月云野性平生唯好月新晴半夜覩嬋娟起
來自擘書窓破教漏清光落枕前

又經崔諫議林亭云蟬噪入雲樹風開無主花

初為江西王仲舒從事拂衣去後遇雲陽公主下降百
僚舉暢為賓相詩皆頃刻而成詠簾曰勞將素手捲緞
鬢瓊室流光更綴珠玉漏報來過半夜可憐潘岳立踈
踟詠竹帳曰碧玉為竿丁字成鴛鴦繡帶短長馨強遮
天上花顏色不隔雲中英語聲詔作催粧五言曰雲安
公主貴出嫁五侯家天母親調粉日兄憐賜花催鋪相
子帳待障七香車借問粧成未東方欲曉霞內人以其

吳音捷才以詩嘲之云十二層樓倚翠空鳳鸞相對立

梧桐雙成走報監門衛莫使吳歛入漢宮或曰宋若陸蘭姊妹作陸

酬曰粉面仙郎選尚朝偶逢秦女學吹簫雖教翡翠聞

王母不柰烏鳶噪鵲橋六宮大哈別賜宮錦楞伽瓶唾

盃各一

暢謁韋臯作蜀道易詩云蜀道易易於履平地臯大喜

臯薨朝廷欲繩其既往之事復閱先進兵器上皆刻定

秦二字不相與者因造成罪名暢上䟽理之曰臣在蜀

日見造所進兵器定秦者匠名也由此得釋段成式云

暢江東人語多差誤人以爲劇初娶董溪女每旦婢進

梁豆暢輒沃水服之或曰君為貴門女婿幾多樂事陸
曰貴門苦禮法婢子食辣麩殆不可過

張籍贈暢云共踏長安街裏塵吳洲獨作未歸身胥門
舊宅今誰住君過西塘與問人

趙麟儀質瑣陋成名後以薛能為儔相能詩曰第一莫
教蛛太過緣人衣帶上人頭又火爐床上平身立便與
夫人作鏡臺或曰暢羨而能罵

崔元翰

名鵬以字行舉進士年五十一禮侍于部以其文擢異
等曰後當司詔今竇叅秉政引知制誥其詞溫厚有

典誥風以剛褊罷為比部郎中卒晚年方取應咸為首
送京兆解頭禮部狀頭宏詞勅制科二等勅頭權德輿
謂其文如黃鍾玉磬琮璵琬琰奏於懸間列在西序其
章章者雖漢廷諸公無以加也然清剛而不能容物介
特寡徒晚達中廢斯亦命之所賦也

清明卧病不得遊開元寺詩云山色入層城鐘聲臨復
岫乘間息邊事探異憐春候曲閣下重堦迴廊遙對雷
石間花遍落草上雲時覆鑽火見樵人飲泉逢野獸道
情親法侶時望登朝右執憲糾姦邪刊書正訛謬茂才
當時選公子生人秀贈荅斷篇章歡娛重用舊垂簾獨

唐詩紀事卷五
三
衰疾擊缶酬金奏

奉和聖製重陽日百寮曲江宴示懷詩云偶聖觀昌期
受恩慙弱質幸逢良宴會况是清和日遠岫對壺觴沉
瀾映簪紱魚羔備豐膳象鳳調鳴律薄劣廁英髦歡娛
忘衰疾平臯行雁一曲渚雙鳧出沙岸菊開花霜枝果
垂實天文見成象帝念資勤恤探道得玄珠齋心居特
室豈如橫汾唱其事徒驕逸

張建封

字本立南陽人少喜文章尚氣節貞元四年拜御史大
夫除泗濠節度使十三年來朝帝不待日召見延英殿

朝會赴大夫班以示殊寵建封賦朝天行以獻還鎮帝
賦詩餞之又賜所持鞭曰卿節誼歲寒故用此爲况建
封又賦詩自警勵十六年卒許孟容韓愈皆奏置幕府
權載之叙其文曰公贊勳代表丘隴銘器叙事放言諧
理皆與作者方駕而歌詩特優有仲宣之氣質越石之
清拔如雲濤溟漲浩漾無際而天球夜光徃徃在焉其
入覲也獻朝天行一篇因喜氣以攄肝膈覽其詞者見
公之心焉其還鎮也德宗皇帝紆天文以送別湛恩異
倫輝動中朝至於內庭錫宴君唱臣和皆酌六義之英
而爲一時之盛夫文之病也或牽拘而不能騁或犇放

而不自還公則財成心匠揮斤細故英華感槩卓爾其
闕大析理研幾泊然其精微全才逸氣與勳力相宣盡
在是矣

皇甫湜

湜爲出世行云生當爲大丈夫斷羈羅出泥塗四散號
如擾俶無隅埋之深淵飄然上浮騎龍披青雲汎覽遊
八區經太山絕大海一長吁西摩月鏡東弄日珠上括
天之門直指帝所居群仙來迎塞天衢鳳凰鸞鳥粲金
輿音聲嘈嘈滿太虛旨飲食兮照庖厨食之不飢飲不
盡使人不陋復不愚旦旦狎玉皇夜夜御天姝當御者

幾人百千爲沓宛宛舒舒忽不自知支消體化膏露
湛然無色茵席濡俄而散漫裴然虛無翕然後搏搏久
而蘇精神如太陽霍然照清都四支爲琅玕五臟爲璠
璣顏如芙蓉頂爲醍醐與天地相終始浩漫爲歡娛下
顧人間溷糞蠅蛆

湜不善詩退之和公安陸渾二篇可以想見其恠奇退
之詩曰皇甫作詩止睡昏辭誇出真遂上焚要余和增
恠又煩雖欲悔舌不可捫言其語恠而好譏罵也

湜字持正睦州新安人擢第爲陸渾尉仕至工部郎中
編急使酒數侮同省求分司東都留守裴度辟爲判官

樂天哭皇甫七郎中云志業過玄宴詞華似補衡多才
非福祿薄命是聰明不得人間壽還留身後名涉江文
一首便可敵公卿

江持正文甚多涉
歌一篇尤奇

李翱

翱刺史朗州贈藥山高僧惟儼詩云練得身形似鶴形
千株松下兩函經我來問道無餘說雲在青霄水在鏡
再贈詩曰選得幽居愜野情終年無送亦無迎有時直
上孤峯頂月下披雲嘯一聲

唐時文人李習之不能為詩韓吏部集有習之兩句云
前之巨灼灼此去信悠悠殊無可取鄭州嘗掘地得刺
史李翱戲贈詩云縣君愛埽渠遶水恣行遊鄙性樂山
野掘地便成溝兩岸植芳草中間漾清流所尚既不同
埽鑿各自脩從他後人見景趣誰為幽此自一李翱非
習之也唐書習之傳亦不記為鄭州王深甫編次習之
集乃收入此詩

翱在潭州席上有舞柘枝者顏色憂悴殷堯藩侍御當
筵贈詩曰姑蘇太守青娥女流落長沙舞柘枝滿坐繡
衣皆不識可憐紅臉淚雙垂翱詰其事乃故蘇臺韋中
丞愛姬所生之女也

夏卿之裔
正卿之姪

曰妾以昆弟夭折委身

樂部耻辱先人言訖涕咽情不能堪亞相為之吁嘆且

曰吾韋族姻舊速命更其舞服飾以往襦延與韓夫人相見賦人吏顧其言語清楚宛有冠蓋風儀遂於賓榻中選士而嫁之舒元興侍郎聞之自京馳詩曰湘江舞罷忽成悲便脫蠻靴出絳幃誰是蔡邕琴酒客魏公懷舊嫁文姬

習之為朗州刺史入為禮部郎中出刺廬州入為中書舍人歷遷桂管湖南觀察山南東道節度其與僧惟儼詩及其女識廬儲登第事皆習之也然習之學韓愈者其與藥山僧詩是非未可知也歸妹於揚嗣復歸女於廬求鄭亞杜審權故携畋讓能皆習之之甥皆為宰相

云其在鄭州者非習之也

麴信陵

信陵貞元元年進士為舒州望江令卒有吳門送客詩云亂山吳苑外臨水讓王祠素是傷情處春非送客時不須愁落日且願駐青絲千里會應到一罇誰共持信陵移居洞庭詩云重林將疊嶂此處可逃秦水隔人間世花開洞裏春荷勸分地利縱酒樂天真萬事更何有吾今已外身

白樂天感遇詩云我聞望江縣麴令撫惇嫠在官有仁政名不聞京師身歿欲歸葬百姓遮路岐攀轅不得去

留葬此江湄至今道其名男女涕皆垂無人立碑碣
有邑人知

孟郊

李翱薦郊於張建封云茲有平昌孟郊正士也伏聞執
事舊知之郊爲五言詩自前漢李都尉蘇屬國及建安
諸子南朝二謝郊能兼其體而有之李觀薦郊於梁肅
補闕書曰郊之五言詩其有高處在古無上其有平處
下顧兩謝韓愈送郊詩曰作詩三百首杳默咸池音彼
二子皆知言也豈欺天下之人哉郊窮餓不得安養其
親周天下無所遇作詩曰食齋腸亦苦強歌聲無歡出

門即有礙誰謂天地寬其窮也甚矣凡賢人奇士自以
所負不苟合于世是以雖見之難得而知也見而不能
知其賢如勿見而已矣知其賢而不能用如勿知其賢
而已矣用而不能盡其才如勿用而已矣盡其才而容
讒人之所間者如勿盡其才而已矣故見賢而能知知
而能用用而能盡其才而不容讒人之所間者天下一
人而已矣

郊下第詩曰棄置復棄置情如刀劍傷又再下第詩曰
兩度長安陌空將淚見花而後及第有詩曰昔日齷齪
不足嗟今朝曠蕩恩無涯青春得意馬蹄疾一日看盡

長安花一日之間花即看盡何其速也果不達

韋莊奏請追贈十餘人其一孟郊字東野尚古風詩與

李觀韓退之為友貞元十二年及第佐徐州張建封幕

卒私謚曰貞耀先生

賈島詩曰身歿聲名在多應萬古傳寡妻無子息破宅

帶林泉塚近登山道詩隨過海船故人相弔處斜日下

寒天

郊字東野湖州人年五十擢調溧陽尉鄭餘慶為東都

留守表為水陸運判官鎮興元表為參謀卒

退之荅郊詩曰規模背時利文字觀天巧人皆餘酒肉

子獨不得飽纔春思已亂始秋悲又攬朝餐動及午夜

諷常至卯名聲暫羶腥腸肚銷煎炒古心雖自鞭世路

終難拘弱拒喜張臂猛拏開縮爪見倒誰肯扶從嗔我

須齧張為取郊青山輟為塵白日無閑人食齋腸亦苦

強歌聲無歡欲知萬里情曉卧半床月等句以為清奇

僻苦主

遊子吟云慈母手中線遊子身上衣臨行密密縫意恐

遲遲歸誰知寸草心報得三春暉

烈女操云梧桐相待老鴛鴦會雙死貞女貴狗夫捨生

亦如此波瀾誓不起妾心井中水

天寒色青蒼北風叫枯桑厚冰無裂文短日有冷光敲
石不得火壯陰奪正陽苦調更何言久吟成此章此郊
苦寒吟也或曰郊鳥善言貧此詩與鳥詩云卧聞西床
琴凍折兩三絃鬢邊雖有絲不堪織寒衣正相侔矣
楚怨云秋入楚江水獨照汨羅魂手把芰荷泣意愁珠
淚翻九門不可入一犬吠千門

塘下行云塘邊日欲斜年少早還家徒將白羽扇調妾
水蘭花不是城頭樹那樓來去鷓

臨池曲云池中春荷葉如帶紫菱成角蓮子大羅裙蟬
鬢倚迎風雙雙伯勞飛向東

偷詩云餓大齏枯骨自喫饒饑涎今文與古文各各稱
可憐亦如嬰兒食錫桃口旋旋惟有一點味豈見逃景
延繩床獨坐翁默覽有所傳終當罷文字別著逍遙篇
從來文字淨君子不以賢

贈別崔純亮云食齋腸亦苦強歌聲無歡出門即有礙
誰謂天地寬有礙非遐方長安大道傍小人智慮險平
地生太行鏡破不改光蘭死不改香始知君子心交久
道益彰君心與我懷離別俱迴遑譬如浸蘗泉流苦日
已長忍泣目易衰忍憂形易傷項籍豈不壯賈生豈不
良當其失意時涕泗各滿裳古人勸加飧此飧難自強

一鉢九祝噎一嗟十斷腸况是兒女怨怨氣凌彼蒼彼
蒼若有知白日下清霜今朝始驚呼碧落空茫茫

落第云曉月難為光愁人難為腸誰言春物榮獨見花
上霜鵑鴉夫勢病鷓鴣假翼翔棄置復棄置情如刀劍
傷

再下第云一夕九起嗟夢短不到家兩度長安陌空將
淚見花

盧仝

有所思云當時我醉美人家美人顏色嬌如花今日美
人棄我去青樓珠箔天之涯娟娟嫦娥月三五二八盈

又缺翠眉蟬鬢生別離一望不見心斷絕心斷絕幾十
里夢中醉卧巫山雲覺來淚滴湘江水湘江兩岸花木
深美人不見愁人心含愁更奏綠綺琴調高絃絕無知
音美人兮美人不知為暮雨兮為朝雲相思一夜梅花
發忽到窓前疑是君

樓上女兒曲云誰家女兒樓上頭指揮婢子掛簾鈎林
花撩亂心之愁捲却羅袖彈箜篌箜篌歷亂五六絃羅
袖掩面啼向天相思絃斷情不斷落花紛紛心欲穿心
欲穿憑欄干相憶柳條綠相思錦帳寒直綠感君恩愛
一迴顧使我雙淚長潛潛我有嬌屬特君笑我有嬌娥

待君掃鶯花爛熳君不來及至君來花已老心腸寸斷
誰得知玉燭暮塵生青草

秋夢行云客行一夜秋風起客夢南遊渡湘水湘水冷
冷徹底清二妃怨處無限情娥皇不語啓嬌靨文英目
成轉心慙長眉入鬢何連娟肌膚白玉秀且鮮徘徊共
詠東方日沉吟再理南風絃聲斷續思綿綿中含幽意
兩不宣慙慙纖手驚破夢中宵寂寞心悽然心悽然腸
亦絕寐不寐兮玉枕寒夜深夜兮霜似雪鏡中不見雙
翠眉臺前空掛纖纖月纖纖月盈復缺娟娟似眉意難
訣願此眉兮如此月千里萬里光不滅

全居東都退之爲河南令愛其詩厚禮之自號玉川子
嘗爲月蝕詩譏切元和朋黨

月蝕詩云新天子即位五年歲次庚寅斗柄插子律調
黃鍾森森萬木夜殫立寒氣罌鼎頑無風爛銀盤從海
底出出來照我草屋東天色紺滑疑不流水光交貫寒
瞳矐初疑白蓮花浮出龍王宮八月十五夜比並不可
雙此時恠事發有物吞食來輪中輪如壯士斧斫壞桂
似雪山風拉摧百鍊鏡照見膽平地埋寒灰火龍珠飛
出腦却入蚌蛤胎摧輪破壁眼看盡當天一搭如始煤
磨蹤滅跡湏臾間便似萬古不可開不料至神物有此

大狼狽星如撒沙出爭頭事光大奴婢炷暗燈拚切感
茨如玳瑁今夜吐嚼長如虹孔隙千道射戶外玉川子
涕泗下中庭獨自行念此日月者太陰太陽精皇天要
識物日月乃化生走天汲汲勞四體與天作眼行光明
此眼不自保天公行道何由行吾見陰陽家有說望日
蝕月月光滅朔月掩日日虧缺兩眼不相攻此說吾不
容又孔子師老子云五色令人目盲吾恐天似人好色
即喪明幸且非春時萬物不嬌榮青山破瓦色淥水冰
崢嶸花枯無女艷鳥死沉歌聲頑冬何所好偏使一月
盲傳聞古老說月蝕蝦蟆精徑圍千里入汝腹如此癡

骸阿誰生何從海窟來便解緣青冥恐是睚眦間拚塞
所化成黃帝有四目帝舜重瞳明二帝懸四目四海生
光輝吾不遇二帝滉漭不可知何故瞳子上坐受虫豸
欺長嗟白兔搗靈藥恰似有意防奸非藥成滿日不中
度委任白兔夫何爲憶昔堯爲天十日燒九州金鑠水
銀流玉熠丹砂焦六合烘爲蜜堯心增百憂帝見堯心
憂勃然發怒決洪流立擬沃殺九日妖天高日走沃不
及但見萬國赤子鱖鱖生魚頭此時九御導九日爭持
節幡麾幢旒駕車六九五十四頭蛟螭虬掣電九火輶
汝若蝕開齟齬輪御轡執索相爬鉤推蕩轟鞦韆入汝喉

紅鱗燄鳥燒口快翎鬣倒側聲醜鄒撐腸拄肚礪礪如
山丘自可飽死更不偷不獨填饑坑亦解堯心憂恨汝
當食藏頭壓腦不肯食不當食張唇哆嘴食不休食天
之眼養逆命安得天帝請汝劉嗚呼人養虎被虎齧天
媚墓被墓瞎乃知恩非類一一自作孽吾見患眼人必
索良工訣想天不異人愛眼固應一安得嫦娥氏來習
扁鵲術手操春喉戈去此睛上物初見猶朦朧既久知
抹漆但恐功業成便此不吐出玉川子又涕泗下心禱
再拜額搗沙土中地上蟣虱臣全告訴帝天皇臣心有
鐵一寸可剗妖墓癡腸上天不爲臣立梯磴臣血肉身

無由飛上天揚天光封辭付與赤心風颭排閭闔入紫
宮密邇玉几前擘圻奏上臣全頑愚曾敢死橫干天代
天謀其長東方蒼龍角挿戟尾押風當心開明堂統領
三百六十鱗蟲坐理東方宮月蝕不救援安用東方龍
南方火鳥赤潑血項長尾短飛跋躩頭戴丹冠高達拚
月蝕鳥宮十二度鳥爲居停主人不覺察貪向何人家
行赤口毒舌毒虫頭上喫却月不啄殺虛眩鬼眼明突
窩上音我下音血鳥罪不可雪西方攫虎立踦踦音斧爲牙鑿
爲齒偷犧牲食封豕大墓一齋固當軟美似見不見是
何道理爪牙根天不念天天若准擬錯准擬北方寒龜

被地縛藏頭入殼如入獄地筋束緊束破殼寒龜夏鼈
 一種味且當以其肉充臙死殼沒信處准堪支床脚不
 堪鑽灼與天下歲星主福德官爵奉董秦忍使黔婁生
 覆尸無衣巾天失眠不吊歲星胡其仁熒惑矍鑠翁執
 法大不中月明無罪過不糺食月虫年年十月朝太微
 支盧謫罰何灾凶土星與土性相背反福德生禍害到
 人頭上死破敗今夜月蝕安可會太白真將軍怒激鋒
 鉞生常州與大宋御名同州陣斬鄴定進項骨脆甚春夢善天
 唯兩眼失一眼將軍何處行天兵辰星任廷尉天律自
 主持人命在盆底固應樂見天盲時天若不肯信試喚

聿陶鬼一問一如今三台文昌宮作天上紀網環天二
 十八宿磊磊尚書郎整頓排班行劔握他人將一四太
 陽側一四天帝旁操斧代大匠兩手不怕傷孤矢引滿
 反射人天狼呀啄明煌煌癡牛與駮女不肯勤農桑徒
 勞含淫思旦夕遙相望蚩尤簸旗弄旬朔始搥天鼓鳴
 璫琅枉矢能蛇行眉目森森張天狗下舐地血流何滂
 滂謫險萬萬黨構架何可當眯目疊成就害我光明王
 請留北斗相北極指揮萬國懸中央此外盡掃除堆積
 如山崗贖我父母光當時常星沒殞雨如逆漿似天會
 事發叱喝誅姦強何故中道廢自遺今日殃善善又惡

惡郭公所以亡願天神聖心無信他人忠王川子辭訖
風色際格格近月黑暗邊似有動劔戟須臾癡墓精兩
吻自决拆初露半箇壁漸吐滿輪魄衆星盡原赦一墓
獨誅磔腹肚忽脫落依舊掛穹碧光彩未蘇來慘淡一
片白柰何萬里光受此吞吐厄再得見天眼感荷天地
力或問王川子孔子修春秋二百四十年月蝕盡不收
今子咄咄辭固合孔意不王川子笑荅或請聽遐邇孔
子父母魯諱魯不諱周書外大惡故月蝕不見收余命
唐天白食唐土唐禮過三唐樂過五小不猶說大不可
數灾沴無有大小瘡安得引衰周研覈其可否日分晝

月分夜辨寒暑一主刑一主德政乃舉孰謂人面上
目偏可夫願天完兩日照下萬方土更不聾萬萬古
與馬異結交詩天地日月如等閑盧仝四十無往還唯
有一片心脾胃骨嶮巖摧萃肆兀鬱律刀劔為鋒鏑平地
放著高如崑崙山天不容地不受日月不敢偷照耀伏
羲畫八卦鑿破天心胃女媧本是伏羲婦恐天怒擣鍊
五色石引日月之針五星之縷把天補補了三日不肯
歸婿家走向日中放老鴟月裏栽桂養蝦蟆天公發怒
罰龍蛇此龍此蛇得死病神農合藥救死命天恠神農
黨龍蛇罰神農爲牛頭令載元氣車不知藥中有毒藥

藥殺元氣天不覺爾來天地不神聖日月之光無定正
不知元氣本不死忽聞空中喚馬異馬異若不是祥瑞
空中敢道不容易昨日同不同異自異是謂大同而小
異今日同自同異不異是謂同不往兮異不至直當中
兮動天地白玉璞裏斷出相思心黃金礦裏鑄出相思
淚忽聞空中崩崖倒谷聲絕勝明珠千萬斛買得西施
南越一雙婢此婢嬌媿惱殺人凝脂爲膚翡翠裙唯解
畫眉朱點唇自從獲得君敲金撻玉凌浮雲却返顧一
雙婢子何足云平生結交苦少人憶君眼前如見君青
雲欲開白日沒天眼不見此奇骨此骨縱橫奇又奇千

歲萬歲枯松枝半折半殘壓山谷盤根蹙節成蛟螭忽
雷霹靂卒風暴雨撼不動欲動不動千變萬化摠是鱗
皴皮此奇怪物不可欺盧仝一見馬異文章酌得馬異
骨中事風姿骨木恰如此是不是寄一字

劉義

塞上逢盧仝云直到桑乾北逢君夜不眠上樓腰脚健
懷土眼睛穿斗柄寒垂地河源凍徹天羈魂泣相向何
事有詩篇

自問云自問彭城子何人接汝顛酒腸寬似海詩膽大
於天斷劍徒勞匣枯琴無復絃相逢不得合賴是向秋

泉

義節士也少放肆為俠酋因酒殺人亡命會赦出更折節讀書能為歌詩然恃故時所負不能俛仰貴人聞韓愈接天下士步謁之作冰柱雪車二詩出盧孟右樊宗師見為獨拜後以爭語不能下賓客因持愈金數斤去曰此諛墓中人得耳不若與劉君為壽愈不能止歸齊魯不知所終

楊巨源

春日獻聖壽無疆詞云代是文明晝春當宴喜時爐煙添柳重宮漏出花遲漢典方寬律周官正採詩碧霄傳

鳳吹紅日在龍旗造化應神契陽和沃聖慈每因隨百

獸率舞奉丹墀

梁正明三年薛廷珪以宮漏出花遲為詩題

張弘靖三世掌書命在台坐巨源詩曰伊陟無聞祖韋

賢不到孫時稱其能與張氏說家門巨源在元和時詩

韻不為新語體律務實功夫頗深日暮吟詠不輟年老

頭搖人言吟詩所致

早春即事呈劉員外云明朝晴暖即相隨肯信春光被

雨欺且任文書堆案上免令杯酒負花時馬蹄經歷應

須遍鶯語丁寧已恹遲更待雜芳成艷錦鄴中爭唱仲

宣詩

送章孝標校書歸杭州因寄白舍人云曾過靈隱江邊
寺獨宿東樓看海門潮色銀河鋪碧落日光金柱出紅
盆不妨公事資高卧無限詩情要細論若訪郡人徐孺
子應須騎馬到沙村

巨源以三刀夢益州一箭取遼城得名故樂天詩云早
聞一箭取遼城相識唯深有故情清句三朝誰是敵白
鬚四海半爲兄貧家雜草時時入瘦馬尋花處處行不
用更教詩過好折君官職是空名巨源後拜省郎樂天
復以詩賀云文昌新入有光輝紫界宮墻白粉闌曉日
鷄人傳漏箭春風侍女護朝衣雪飄歌句高難和鶴拂

煙霄老慣飛官職聲名俱入手近來詩客似君稀

巨源字景山大中時爲河中少尹

何事慰朝夕不踰詩酒情山河空道路蕃漢共刀兵禮
樂新朝市園林舊弟兄向風一點淚塞晚暮江平右張
爲取作主客圖

送裴中丞出使云一清淮甸假朝綱金印初迎細柳黃
辭闕天威和雨露出關春色避風霜龍韜何必陳三略
虎旅由來肅萬方宣諭生靈真重任回軒應問石渠郎
送絳州盧使君云應將清淨結心期又共陽和到郡時
絳老問年須筭字庾公逢月要題詩朱欄迢遞因高勝

粉堞清明欲下遲他日徵還作霖雨不須求賽敬亭祠
送司徒童子云衛多君子魯多儒七歲聞天笑舞雩光
彩春風初轉蕙性靈秋水不藏珠兩經在口知名小百
拜垂髫稟氣殊况復元侯旌爾善桂林枝上得鷓鴣
送人過衛州云憶昔征南府內遊君家東閣最淹留縱
橫聯句長侵曉次第看花直到秋論舊舉杯先下淚傷
離臨水更登樓相思前路幾回首舊眼青山過衛州
寄昭應王丞云武皇金輅輾香塵每歲朝元及此辰光
動泉心初浴日氣蒸山腹揔成春謳歌已入雲韶曲詞
賦方歸侍從臣瑞靄朝朝猶望幸天教赤縣有詩人

寄江州白司馬云江州司馬平安否惠遠東林住得無
湓浦曾聞似衣帶廬峯見說勝香爐題詩歲晏離鴻斷
望闕天遙病鶴孤莫謾拘牽雨花社青雲依舊是前途
古意贈王常侍云繡戶紗窻北里深香風暗動鳳凰簪
組紉長在佳人手刀尺空挫寒女心欲學齊謳逐雲管
還思楚練拂霜砧東家少婦當機織應念無衣雪滿林
贈張將軍云關西諸將揖容光獨立營門劔有霜知愛
魯連歸海上肯令王翦在頰陽天晴紅幟當山滿日暮
清笳入塞長年少功高人最羨漢壇煙樹日蒼蒼
贈李傅云知因公望掩能文誓激明誠在致君曾罷雙

旌膽白日猶將一劍許黃雲搖憲竹色留僧語入院松
聲共鶴聞莫被此心生晚計鎮南人憶杜將軍

述舊紀勲寄太原李光顏侍中云王舍舍悽見鴈行北
垣新詔拜龍驤弟兄間世真飛將貔虎歸時似故鄉鼓
角因風飄朔氣旌旗映水發秋光河源收地心猶壯笑
向天西萬里霜又云倚天長劍截雲孤報國縱橫見丈
夫五載登壇真宰相六重分閫正司徒曾聞轉戰平堅
寇共說題詩壓腐儒料敵知機在方寸不勞心力講陰
符

上裴中丞云六年西掖弘湯誥二捷東堂總漢科政引

風霜成物色語回天地到陽和清威更助朝端重聖澤
曾隨筆下多應笑白鬚揚執戟可憐春日老如何
和人與人分惠賜冰云天水藏來玉墮空先頒密署幾
人同映盤皎紫非資月披扇清涼不在風瑩質方從綸
閣內凝輝更向畫堂中麗詞珍既難雙有迢迓金輿殿
角東

觀打毬有作云親掃毬場如砥平龍驤驟馬曉光晴入
門百拜瞻雄勢動地三軍唱好聲玉勒回時露赤汗花
髮分處拂紅纓欲令四海氛煙靜杖底纖塵不敢生
贈隣家老将云白首羽林郎丁年戍朔方陰天瞻磧路

秋日度遼陽大漢寒山黑孤城夜月黃十年依蓐食萬
里帶金瘡拂雪陳師祭衝風立教場箭飛瓊羽合旗動
火雲張虎翼分營勢魚鱗擁陣行誓心清塞色鬪血雜
沙光戰地晴輝薄軍門曉氣長寇深爭暗襲關迥勒春
防身賤竟何訴天高徒自傷功成封寵將力盡到貧鄉
崔老方悲海鷹哀却念霜空餘孤劍在開匣一露裳
酌崔博士云自知頑叟更何能唯學雕虫謬見稱長被
有情邀唱和近來無力更祇承青松樹杪三千鶴白玉
壺中一片冰今日為君書壁石孤城莫怕世人憎
酌盧員外云謝傳旌旗控上游盧郎鑄俎借前籌

風土臨清廟魏國山川在白樓雲寺當時接高步水亭
今日又同遊滿筵舊府笙歌在獨有羊曇最淚流

酬于駙馬云綺陌塵香曙色分碧山如畫又逢君蛟藏
秋月一片水驥鑣晴空千尺雲戚里舊知何駙馬詩家
今得鮑參軍陽和本是煙霄曲須向花間次第聞

又云芳時碧落心應斷今日清詞事不同瑤草秋殘仙
圃在綵雲天遠鳳樓空晴花曾送金羈影涼葉還生玉
簞風長得聞詩惟自足會看春露濕蘭叢

裴舍人見寄云誰道重遷是舊班自將霄漢比鄉關二
妃樓下宜臨水五老祠西好看山再葺吾廬心已足每

來公府路常閑詩陪亞相逾三紀石筍煙霞不共攀

酬崔駙馬惠牋百張兼貽四韻云百張雲樣亂花開七
字文頭艷錦回浮碧空從天上得殷紅應自日邊來捧
持價重凌雲葉封罽香深笑海苔滿篋清光應照眼欲
題九韻輒徘徊

元微之憶揚十二詩云揚子愛言詩春天好詠時戀花
從馬滯聯句放盃遲日映含煙竹風牽卧柳絲南山更
多興須作白雲期

巨源善叙事顧二拾遺戶部兼度支乃賀以詩曰雄拜
知承聖主恩於是雄拜之句

陳羽

羽湘妃云二妃怨處雲沉沉二妃怨處湘江深商人酒
滴廟前草蕭颯風生斑竹林

雪詩云十門萬戶雪花浮點點無聲落瓦溝全似玉塵
消更積半成冰片結還流光含曙色清天苑輕逐微風
繞御樓平地已沾盈尺潤年一豐須荷富人侯

宴揚駙馬山亭云垂楊拂世竹草茸茸繡戶牕前花影重
鱸下一盤紅縷細酒開金盃苑綠醅醲中朝駙馬何平叔
南國詞人陸士龍落日泛舟同醉處回潭百丈映千峯
贈子云或掉孤舟或杖藜子常適意釣長溪草堂竹徑

在何處落日孤煙寒渚西

題夫差廟云姑蘇臺上千年木刻作夫差廟裏神冠蓋
寂寥塵滿坐不知簫鼓樂何人

韓退之有落葉送羽云誰云少年別流淚各霑衣羽與
退之同年登第

羽夜別溫商梓州云鳳凰城裏花時別玄武江邊月下

逢客舍莫辭先買酒相門出首忝舊登龍迎風騷屑千家
竹隔水悠揚午夜鐘明日入行西蜀去不堪天際遠山
重

春園即事云水隔郡物遠入深風起頻霜中千樹橘月

下五湖人聽鶴忽忘寢見山如得隣明年還到此共看

洞庭春

送戴端公赴容州云分命諸侯重歲蕤繡服香八蠻治

險路千騎踏繁霜山斷旌旗出天晴劍佩光還將小戴

禮遠去化南方

送友人及第歸江界云五陵春色泛花枝心醉花前遠

別離落地耻爲關右客成名空羨里中兒都門雨歇愁

分處山店殘燈夢到時家住洞庭多釣伴因來相賀話

相思

小江驛送陸侍御歸湖上山云鶴唳天邊秋水空荻花

蘆葉起西風今夜波頭何處宿會稽山在月明中

王履正

異方霑瑞氣干呂見青雲表聖興中國來王謁大君迎
祥殊大樂叶慶賴橫汾自是明時起非將觸石分映霄
難辨色從吹乍成文須使流千載垂芳在典墳青雲干呂
履正貞元七年青雲干呂詩登第

彭伉

聖布中虛化符異域雲含春初應呂暈碧已成文東
起隨風暖西流北日曛升時嘉異月為慶等凝汾輕與
晴煙比高將曉霞芬飄飄如可致願此翊明君

伉貞元七年杜黃裳下試青雲干呂詩登第伉官春人
既登第伉妻族有湛賁者猶為郡吏伉妻即湛姨也妻
族賀伉坐皆名士伉居客右一坐盡傾而賁飯於後閣
其妻責之曰男子不能自勵窘辱如此復何顏賁感其
言力學一舉擢第貞元十二年伉方郊遊聞之失聲墜驢
袁人譖曰湛郎及第彭伉落驢至令素州之西有落驢橋

辛弘智

弘智國子監進士賦詩曰君為河邊草逢春心刺生妾
如臺上鏡得照始分明同房常定宗改始字為轉字遂
爭之皆云我作乃下牒見博士羅道琮判云昔五言定

表以理切稱奇今一言競詩取詞多為主始歸弘智轉
還定宗以狀牒知任為公驗

歐陽詹

字行周泉州人初見拔於常袞後見知於退之元賓終
於四門助教李貽孫序其文曰君之文周詳切於情故
叙事重複宜其掌代文柄以變風雅一命而卒天其絕
乎子價早死孫澣

銅雀妓云蕭條登古臺迴首黃金屋葉落不歸林高陵
永為谷粧容徒自麗舞態閱誰目惆悵總惟前歌聲苦
於哭

晨裝行云村店日西入山枝鴨鳴聲旅裝徹夜席東
事晨征寂寂人尚眠悠悠天未明豈無偃息心所務
有程

蜀中將歸留辭韋相公云寧體即雲構方前恒玉食貧
居豈及此要欲懷歸憶在夢關山遠如流歲華逼明晨
首鄉路迢遞孤飛翼

翫月詩序云月可翫翫月古也謝鮑詩眺之庭前亮之
樓中皆翫月也貞元十二年甌閩君子陳可封遊在秦
寓于永崇里華陽觀予與鄉人安陽邵楚長濟南林蘊
穎川陳翽亦旅長安秋八月十五夜詣陳之居修厥翫

事月之爲翫冬則繁霜太寒夏則蒸雲太熱雲蔽月霜
使人蔽與侵俱害乎翫秋之於時後夏先冬八月於秋
李始孟終十五於夜又月之中秋於天道則寒暑均取
於月數則蟾兔圓况埃壙不流太空悠悠嬋娟徘徊桂
華上浮升東林入西林肌骨與之踈涼神氣與之清冷
四君子悅而相謂曰斯古人所以爲翫也既得古人所
翫之意宜襲古人所翫之作翫月詩云八月十五夕舊
嘉蟾兔光斯從古人好共下今宵堂素魄皓孤疑芳輝
紛四揚徘徊林上頭泛灑天中央皓露助流華輕風佐
浮涼清冷到肌骨潔白盈衣裳惜此苦宜翫攬之非可

將含情顧廣庭願勿沉西方

途中寄太原所思詩云驅馬漸覺遠迴頭長路塵高城
已不見况復城中人去意自未甘居情諒猶辛萬里東
北晉千里西南秦一履不出門一車無停輪流萍與匏
繫早晚期相親或曰詹遊太原悅一妓將別約至都相
迎故有早晚期相親之句妓思之不已得疾且甚乃刃
其髻藏之謂女弟曰歐陽生至可以爲信又作詩曰自
從別後減容光半是思郎半恨郎欲識舊來雲髻樣爲
奴開取鑷金箱絕筆而逝及詹至如其言示之詹啓函
一慟而立孟簡賦詩哭之序云穆玄道訪予常嘆其事

玄道頗惜之

焦郁

白雲向空盡云白雲昇遠岫搖曳入晴空乘化隨舒卷
無心任始終欲銷仍帶日將斷更因風勢薄飛難定天
高色易窮影收元氣表光滅太虛中儻若從龍去還施
濟物功

春雪詩云散漫天涯色承春四望平不分殘照影何處
斷腸聲繚繞光經塞霏微勢逐城因風低未歛帶雨重
還輕干呂知時泰如膏候歲成小儒叨盛世無以答皇
明

袁高

字公碩滄州人恕已之孫慷慨有節尚為給事中德宗將
起盧杞刺饒州詔出高執不下帝慰曰朕惟卿言切至已
如奏憲宗時卒贈禮書

禹貢通遠俗所圖在安人后王失其本職吏不敢陳亦有
姦佞者因茲欲求伸動生千金費日使萬姓貧我來顧渚
源得與茶事親毗輟耕農來采采實苦辛一夫且當後盡
室皆同臻捫葛上歌壁蓬頭入荒榛終朝不盈掬手足皆
皴鱗悲嗟遍空山草木為不春陰嶺芽未吐使者牒已頻
心爭造化力先從銀臺均選納無晝夜搗聲昏繼晨衆工

何枯槁俯視彌傷神皇帝尚巡狩東郊路多堙周迴遠天涯所獻愈艱勤况減兵革困重茲困疲民未知供御餘誰合分此珎顧省忝邦守又慙復因循茫茫滄海間丹憤何由申右高所賦茶山詩也按唐制潮州造貢茶最多謂之顧渚貢焙歲造一萬八千四百斤大曆後始有進奉建中二年高刺郡進三千六百串并此詩一章刻石在貢焙故杜鴻漸與楊祭酒書云顧渚中山紫筍茶兩片此物但恨帝未得嘗實所嘆息一片上太夫人一片充昆弟同歡開成三年以貢不如法停刺史裴克官

唐詩紀事卷第三十五

唐詩紀事卷第三十六

黎逢

閻濟美

裴交泰

劉阜

黎逢

小苑東望宮池柳色詩云上林新柳變小苑暮天晴始望和煙密遙憐拂水輕色承陽氣煖陰帶御溝清不厭隨風弱仍宜向日明垂絲遍閣榭飛絮觸簾旌漸到依依處思聞出谷鶯

韋蘇州任京兆工曹日有荅貢士黎逢詩云彌月曠不接公門但驅馳蘭章忽有贈持用慰所思不見心尚密况當相見時

逢氣貌山野及第年初塲後至便於簾前設席主司異
之謂其生疎必謂文詞稱是專令人伺之句句來報初
問云何人徘徊日亦是常言既而將及數聯莫不驚嘆
遂擢第

逢登大曆十二年進士第

閻濟美

濟美大曆九年春下第將出關獻坐主張謂詩六韻曰
謬主臣直文明雅量全望鑪金自躍應物鏡何偏南
國幽沉盡東堂禮樂宣轉令遊藝士更惜至公年步樹
歡新景青雲泣暮天唯愁鳳池拜孤賤更誰憐謂覽之

問失第之因具以實告謂深有遺才之嘆乃曰所授六
韻必展後效明年濟美自江東繼薦就試東都謂復主
文雜文已過繼欲帖經濟美辭以不能謂曰禮闈故事
亦許作詩贖帖遂命天津橋望洛城殘雪題濟美曰新
霽洛城端千家積雪寒未收清禁色偏向上陽殘既而
日勢已晚詩未就謂云只據見在將來一覽稱賞遂唱
過盧景莊謂曰前足下試蜡日祈天宗賦以魯丘對衛
賜則子貢也乃作駟字誤矣方悔之明日謂曰天寒急
景諸君文卷不成未可以呈宰相請重錄送納既而索
舊卷則駟字上朱點在焉易卷之意蓋有在也到闕謂

唐詩紀事卷三十一
揖濟美曰前日春開遺才所投六韻不敢暫忘幸副素
懷矣濟美紀其事曰前朝公相許與定分一面不忘濟
美貞元末歷福建觀察為治簡易以工部尚書卒
濟美元和初刺華州劾華陰令柳澗賊罪韓愈使過華
上疏理澗留中不下詔御史按得澗賊狀以愈妄論復
為國子博士

裴交泰

長門怨云自閉長門經幾秋羅衣濕盡淚還流一種蛾
眉明月夜南宮歌吹北宮愁范攄曰近日舉場詩在
新章孝標對月云長安一夜千家月幾處笙歌幾處愁有

類乎裴交泰

裴貞元間詩人

劉阜

長門怨云宮殿沉沉月色分昭陽宮漏不堪聞珊瑚枕
上千行淚不是思君是恨君

韋莊載阜長門怨云淚滴長門秋夜長愁心和雨到昭
陽淚痕不覺君恩斷拭却千行更萬行

唐詩紀事卷第三十六

唐詩紀事卷第三十七

元稹

稹為御史奉使東川於褒城題黃明府詩其序云昔年曾於解縣飲酒余為觥錄事嘗於寶明府廳有一人至頻犯語令連飛十數觥不勝因逃去醒後問人前虞鄉黃丞也此後絕不復知元和四年三月奉使東川十六日至褒城驛遂巡有黃明府見迎瞻其形容髣髴似識問其前銜即曩日逃席黃丞也說向前事生惘然而悟因饋酒一罇艤舟請余同載余不免其意與之歡編問褒陽山水則褒姒所奔之城在其左諸葛所征之路其在

右感今懷古作贈黃明府詩曰昔年曾痛飲黃令因飛
觥席上當時走馬前今日迎依稀迷姓字積漸識平生
故友身皆遠他鄉眼暫明便邀連榻坐兼共別舡行酒
思臨風亂霜稜拂地平不看深淺酌貪愴古今情迤邐
七盤路坡坨數丈城花疑穠女笑棧息武侯征一種埋
幽石空聞千載名出本事詩

稹聞西蜀薛濤有辭辨及為監察使蜀以御史推鞫難
得見焉嚴司空潛知其意每遣薛往泊登翰林以詩寄
曰錦江滑膩裁眉秀生得文君與薛濤言語巧偷鸚鵡
舌文章分得鳳凰毛紛紛辭客多停筆箇箇公侯欲夢

刀別後相思隔煙水菖蒲花發五雲高後廉問浙東乃
有劉採春自淮甸而來容華莫比元贈詩曰新粧巧樣
畫雙蛾慢裹常州透額羅正面偷勻光滑芴緩行輕踏
皺紋波言辭雅措風流足舉止低回秀媚多更有惱人
腸斷處選詞能唱望夫歌望夫歌者即羅噴之曲也元
在浙河七年因醉題東武其詩曰役役行人事紛紛碎
簿書功夫兩衙盡留滯七年餘病痛梅天發親情海岸
鍊困猶未歸得不是憶鱸魚侍郎簡水戲曰丞相雖不
為鱸魚為好鏡湖春色耳謂採春也
公先娶京兆韋氏字蕙叢韋逝為詩悼之曰曾經滄海

難為水除却巫山不是雲出本事傳

稹元和四年為御史鞠獄梓潼樂天昆仲送至城西而別後旬日昆仲與李侍郎建開遊曲江及慈恩寺飲酣作詩曰花時同醉破春愁醉折花枝作酒籌忽憶故人天際去計程今日到涪州後旬日得元書果以是日至褒仍寄詩曰夢君兄弟曲江頭也到慈恩院院遊驛吏喚人排馬去忽驚身在古梁州千里魂交合若符契自有感夢記備叙其事

稹以明經制策入仕其一篇自述曰延英引對碧衣郎江硯宣毫各別床天子下簾親考試宮人手裏過茶湯是時貴族並應制科用為男子榮進

連昌宮辭云連昌宮中滿宮竹歲久無人森自束又有墻頭千葉桃風動落花紅款款宮邊老人為余泣小年選進因曾入上皇正在望仙樓太真同憑欄干立樓上樓前盡珠翠炫轉熒煌照天地歸來如夢復如癡何暇備言宮裏事初過寒食一百六店舍無煙宮樹綠夜半高樓絃索鳴賀老琵琶擅場屋力士傳呼覓念奴念奴潛伴諸郎宿須臾覓得又連催特勅街中許燃燭春嬌滿眼垂紅綃掠削雲鬟旋粧束飛上九天歌一聲二十五郎吹管逐逡巡大遶涪州徹色色龜茲鞞綠綺小暮

摩笛傍宮墻偷得新翻數般曲平明大駕發行宮萬人
鼓舞途路中百官隊伏避岐薛楊氏諸姨車闐颯年
十月東都破御路猶存祿山過驅令供頓不敢藏萬姓
無聲淚潛墮兩京定後六七年却尋家舍行宮前在園
燒盡有枯井行宮門闔樹宛然爾後相傳六皇帝不到
離宮門久閉從來年少說長安玄武樓前燕雀廢三年
因敕使斫竹偶值門開暫相逐荆榛擲比塞池塘狐兔
驕癡綠樹木舞榭歌傾基尚存文牕窈窕紗幮綠塵埋
粉壁舊花鈿鳥啄風箏碎珠玉上皇偏愛臨砌花依然
御榻臨堦斜蛇出鷺巢盤闥拱菌生香按正當衙寢嚴

相連端正樓太真梳洗樓上頭晨光未出簾影黑至今
反掛珊瑚鈎指向僂人因慟哭却出宮門淚相續自從
此後還閉門夜宿狐狸上門屋我聞此語心骨悲太平
誰致亂者誰翁口野父何分別耳聞眼見爲君說姚崇
宋璟作相公勸諫上皇言語切熨理陰陽未忝豐調和
中外無兵戎長山清平太守好揀選皆言由至公開元
欲求姚宋死朝廷漸漸由妃子祿山宮裏養作兒魏國
前門鬧如市弄權宰相不記名依稀憶得揚與李廟謀
顛倒四海搖五十年來作瘡痂今皇神聖丞相明詔書
繞下吳蜀平官軍又取淮西賊此賊亦除天下寧年年

耕種宮前道今年不遣子孫耕老翁此意深望辛努力
廟謀休用兵

穆宗時嬪御多以積歌宮中號為元才子後荆南監軍
崔峻歸朝出積積昌宮詞等百餘篇奏御穆宗大悅即
日拜祠部郎中制誥積上令孤文公書云某始自御
史府謫官於外一餘年矣閑誕無事遂用力於詩章日
益月滋有詩千以以首其間感物寓意可備矇瞍之風達
者有之詞直氣應灑罪戾是懼固不敢陳露於人惟盃酒
光景間屢為小十篇章以自吟暢然以為律體卑下格
力不揚苟無姿心則陷流俗常欲得思深語近韻律調

新屬對無差而風情自遠然而病未能也江湖間多有
新進小生不知天下文有宗主妄相倣倣又從而失之
遂至有褊淺之調皆目為元和詩體某又與同門生白
居易友善居易雅能為詩就中愛驅駕文字窮極聲韻
或為千言或為五百言律詩以相投寄小生自審不能
有以過之往往戲排舊韻別創新詞名為次韻蓋欲以
難相挑耳江湖間為詩者或相倣倣或力不足則至於
顛倒語言重複首尾韻同意等不異於篇亦目為元和
詩體而司文者考變異之由往往歸咎於某嘗以為雕
蟲小事不足自明也

樂天在洛太和中稹拜左丞相自越過洛以二詩別樂
天云君應恠我留連久我欲與君辭別難白頭徒侶漸
稀少明日恐君無此歡又云自識君來三度別這回白
盡老髭鬚戀君不去君須會知得後迴相見無未幾死
于鄂樂天哭之曰始以詩交終以詩訣茲筆相絕其今
日乎

屈指貞元舊朝士幾人同見太和春感興兒歌楊柳葉

妾拂石榴花句遠路事無限相逢惟一言月色照榮辱

長安千萬門逢伯右張為取作主客圖

稹序言寄樂天云九歲學賦詩長者往往驚其可教年

十五六粗識聲病時貞元十年已後德皇帝春秋高理

務用人竅不欲文法吏生天下罪過外關節將動十餘

年不許相朝死於其地不易者十八九而又將豪卒悞

之處因喪負衆橫相賊殺告變絡繹使者迭窺旋以狀

聞天子曰某色將某能過亂亂衆寧附願為其帥名為

衆情其實逼詐因而可之者又十八九前置介倅因緣

交授者亦十四五由是諸侯敢自為肯意有羅列兒孫

以自固者有開導蠻夷以自重者甚者視一境如一室

刑殺其下不啻六畜厚加剝奪名為進奉其實貢入之

數百一焉京城之中停第邸店以曲巷斷候甸之內水

陸腹沃以鄉里計其餘奴婢資財生生之備稱是朝廷
大臣以謹慎不言爲朴雅以時進見者不過一二親信
直臣義士往往抑塞禁省之間或繕完墮墜豪家大帥
秉聲相扇延及老佛土木妖熾習俗不恠上不欲令有
司備官闈中小碎需求徃徃持幣帛以易餌餅吏緣其
端剽奪百貨勢不可禁僕時孩騃不慣聞見獨於書傳
中初習理亂萌漸心體悸震若不可活思欲發之久矣
適有人以陳子昂感遇詩相示吟翫激烈即日爲寄思
玄子詩二十首故鄭京兆於僕爲外諸父深賜憐獎因
以所賦呈獻京兆翁深相駭異秘書少監王表在坐顧

謂表曰使此兒五十不死其志義何如哉惜吾輩不見
其成就因召諸子訓責泣下僕亦竊不自怠由是勇於
爲文又久之得杜甫詩數百首愛其浩蕩津涯處處臻
到始病沈宋之不存寄興而訝子昂之未暇旁備矣不
數年與詩人楊巨源友善日課爲詩性復僻懶人事常
有閑暇閑則有作識足不時有詩數百篇矣習慣性靈
遂成病蔽每公私感憤道義激揚朋友切磨古今成敗
日月遷逝光景舒慘山川勝勢風雲景色當花對酒樂
罷哀餘通滯屈伸悲歡合散至於疾恙其身悼懷昔遊
凡所對遇異於常者則欲賦詩又不幸年三十二時有

罪譴弃今三十七矣五六年間是丈夫心力壯時常在
閑處無所役用性不近道未能淡然忘懷又復懶於他
欲全盛之氣注射語言雜糅精粗遂成多文然亦未嘗
繕寫適值河東李明府景儉在江陵時倅好僕詩章謂
爲能解欲得盡取觀覽僕因撰成卷軸其中有旨意可
觀而詞近往古者爲古諷意亦可觀而流在樂府者爲
樂諷詞雖近古而止於吟寫情性者爲古體詞實樂流
而止於模象物色者爲新題樂府聲勢必順屬對穩切
者爲律詩仍以七言五言爲兩體其中有稍存寄興與
諷爲流者爲律諷不幸少有伉儷之悲撫存感往成數

十詩取潘子悼亡爲題又有以干教化者近昵婦人暈
淡眉目縮約頭髮衣服修廣之度及匹配色澤尤極恠
艷因爲艷詩百餘首詞有今古又兩體自十六時至是
元和七年矣有詩八百首色類相從共成十體凡二十
卷自笑冗亂亦不復致之於行李昨來京師偶在箱篋
及通行盡置足下僅亦有說僕聞上士立德其次立事
不遇立言凡人急位其次急利下急食僕天與不厚既
乏全然之德命與不遇未遭可爲之事性與不惠復無
垂範之言兀兀狂癡行近四十微名取位不過於第八
品而冒憲已六七年授通之初有翫通之熟者曰地濕

塾卑褊人士稀少近歲荒札死亡過半邑無吏市無貨
百姓茹草木刺史以下計粒而食大有虎豹蛇虺之患
小有螟蚋浮塵蜘蛛之類皆能鑽齧肌膚使人瘡痍夏
多陰靈秋為痢瘧地無醫巫藥石萬里病者有百死一
生之慮何僕之命不厚也如此智不足也又如此其所
詣之憂險也又復如此則安能保持萬全與足下必復
京輦以須他日立言立事之驗耶但恐一旦與急食者
相扶而終使足下受天下友不如已之誚是用悉所為
文留穢箱笥比夫裕奕樗塞之戲乎昨行巴南道六又
有詩五十一首文書中得七年已後所為向二百篇繁

亂冗雜不復置之執事前所寄思玄子者小歲為文不
能自是其意貴其起予之始且志京兆公見遇之由今
亦寫為古諷之一移諸左右僕少時授吹噓之術於鄭
先生病懶不就今在閑處思欲怡神保和以求其內異
日亦不復費詞於無用之文矣省視之煩庶亦已於是
乎

琵琶歌

寄管兒並題樂府琵琶宮調八十一旋宮三調

彈不出玄宗偏許賀懷智段師此藝還相匹自後流傳
指撥哀崑崙善才徒而為鴻聲少得似雷吼去聲鷓絃
不敢彈羊皮人間奇事會相續但有卞和無有玉段師

弟子數十人李家管兒稱上足管兒不作供奉兒拋在
東都雙鬢絲逢人便請送盃盞着盡工夫人不知李家
兄弟皆愛酒我是酒徒爲密友著作曾邀連夜宿中輦
清溪華新綠平明八舫載管兒行盡日聽彈無限曲曲名
無限和者鮮霓堂公羽衣偏宛轉涼州大遍最豪嘈綠腰
散序多籠撚我聞此曲深賞竒賞著竒處驚管兒管兒
爲我雙淚垂自彈此曲長長悲淚垂捍撥朱絃濕冰泉
嗚咽流鶯澁因茲彈作雨霖鈴風雨蕭條鬼神泣一彈
既罷又一彈珠幢二夜靜風珊珊低回慢弄關山思坐對
燕然秋月寒月夜一聲深殿磬驟彈曲破音繁併百萬

金鈴旋去聲玉盤醉客滿缸皆暫醒自茲聽後六七年管
兒在洛我朝天游想慈恩杏園裏夢寐仁風花樹前去
年御史留東臺公私感促顏不開今春制獄正撩亂晝
夜推囚心似灰暫輟歸時尋著作著作南園花折萼煙
支耀眼挑正紅雪片滿溪梅已落是夕青春值三五花
枝向月雲吞吐著作施罇命管兒管兒久別今方覩管
兒還爲彈綠腰綠腰依舊聲迢迢猿鳴雪岫來三峽鶴
唳晴空聞九霄逡巡彈得綠腰徹霜刀破竹無殘節幽
關鷓鴣胡鴈悲斷絃砉騫層冰裂我爲含凄歎竒絕許
作是歌始終說藝竒思寡塵事多許來寒暑又經過如

今左降在閑處始為管兒歌此歌此歌寄管兒管兒憂
爾衰爾衰之後繼者誰繼之無乃在鐵山鐵山已近曹
穆間性靈甚好功猶淺急處未得臻幽閑努力鐵
山勤學取莫遣後來無所祖

何滿子歌唐胡雨坐為何滿能歌能宛轉天寶年中世

稱窄嬰刑繫在囹圄間下調哀音歌憤懣黎園弟子奏

玄宗一唱承恩羈網緩便將何滿為曲名御譜親題樂

府纂魚家入內本領絕葉氏有年聲氣短自餘徒煩記

得詞點拍纔成已夸誕我居湖外拜君侯正值灰飛仲

春館廣宴江亭為我開紅粧遲日花枝暖此時有態踏

華筵未吐芳詞貌夷坦翠蛾轉盼搖雀釵碧袖歌盡

鶴外定而凝眸一聲發雲停塵下何勞筭迢迢擊磬遠

玲玲一一貫珠句款款泛羽含商移調能留情度意拋

絃管湘妃寶瑟水上來秦女玉簫空外滿纏綿疊破最

慙慙整頓衣裳事閑散水含遠溜咽還通鴛泥晚花啼

漸嬾斂黛吞聲若自寬擲袖見指西子浣陰山鳴鴈曉

斷行巫峽哀猿夜呼伴古者諸侯饗外賓鹿鳴三奏陳

圭瓚何如有態一曲終牙籌記令紅螺盞

五絃彈云趙壁五絃彈徵調徵聲嶢絕何清峭辭雄皓

鶴警露啼失子哀猿繞林嘯風入春松正凌亂鴛含曉

舌憐嬌妙嗚嗚暗溜咽冰泉殺殺霜刀澁寒鞘促節頻
催漸繁撥珠懂斗絕金鈴掉千勒鳴鏑發胡弓一片清
球擊虞廟眾樂雖同第一部德宗皇帝常偏召旬休節
假暫歸來一聲狂殺長安少主第侯家且取難見授蘇雷
歌按曲皆承認水精簾外教貴嬪瑋瑋之心伴中要臣
有五賢非此絃或在拘囚或屠釣一賢何進勝累百兩
賢得進同周召三賢仕漢滅暴強四賢鎮岳寧邊徼五
賢並用調五常五常既序三光耀趙壁五絃非此賢九
九何勞設庭燎

放言五首云近來逢酒便高歌醉舞詩狂漸欲魔五斗

解醒猶恨少十分飛盞未嫌多眼前讐敵都休問身外
功名一任他死是等閑生也得擬將何事柰吾何其莫
將心事厭長沙雲到何方不是家酒熟鋪糟學漁父飯
來開口似神鷗竹枝得鳳千莖直柳樹迎風一向斜總
被天公霑雨露等頭成長盡生涯其霆轟電熒數聲頻
不柰狂夫不藉身縱使被雷燒作燼寧殊埋骨颺爲塵
得成蝴蝶尋花樹儻化江魚掉錦鱗必若乘龍在渚處
何須警動自來人其安得心源處處安何勞終日望林
巒玉英惟向火中冷蓮葉元來水上乾甯戚飯牛圖底
事陸通歌鳳也無端孫登不語豈期樂各自當情各自

歡嘒三十年來世上行也曾狂走趨浮名兩迴左降須
知命數度登朝何處榮乞我杯中松葉滿遮渠肘上柳
枝生他時定葬燒紅地賞與人家得酒盛其五
和樂天過祕閣書省舊廳云閒君西省重徘徊祕閣書
房次第開壁記欲題三徧合吏人驚問十年來經排蠹
簡憐初校芸長陳根識舊裁司馬見詩心最苦滿身蚊
蚋笑煙埃

和樂天贈楊祕書云昔與楊郎在帝城搜天降地覓詩
情曾因並句甘稱小不爲論年便喚兄刮骨直穿猶苦
悶夢腸翻出暫閑行因君投贈還相和老去那能競底

名

琵琶云學語胡兒撼玉鈴甘州破裏最星星使君自恨
常多事不得工夫夜夜聽

內狀詩寄楊白二員外

時知制誥

天門暗闢玉鈿書送中

樞曉禁清彤管內人書細膩金奩御印篆分明衝街不
避將軍令跋勅兼題宰相名南省郎中誰得詔與君將
向世間行

酬樂天餘思不盡加爲六韻之作律呂同聲我愛身文
章君是一伶倫衆推賈誼爲才子帝喜相如作侍臣次
韻千言曾報答

樂天曾寄十字律詩後來遂次數首予皆用本韻酬和

直詞三道

共經綸樂天與子元詩駁雜真難辨後輩好偽作子到

處云是余所撰鳥宮詞百篇及新白僕流傳實用新樂

詩兩卷及手勘驗無一篇是若蔡女圖書雖在口蔡琰

每有新入學士來做實重與也百餘篇丁公門戶豈生塵商瞿老去猶希冀莫把贏金

便付人

寄浙西李大夫四首云柳眼梅心漸欲春白頭西望憶

何人金陵太守曾相伴共踏銀臺一路塵又云藥珠深

處少人知網索西臨大液池洛殿曉聞天語後步廊騎

馬笑相隨網索在太液上學又云禁林同直話交情無

夜無曾不到明最憶西樓人靜後玉晨鐘磬兩三聲玉晨

祝在紫宸殿後面又云由来鵬化便圖南浙右雖雄我未甘早

渡西江好歸去莫拋舟楫滯春潭

微之善紀事如臺中鞫獄贈周兄詩云鬧裝轡頭緇靜

拭腰帶班鷁子繡線鞞狗兒金油去鏤又坐卧摩錦褥

捧擁紈絲鬟罰俸西歸詩邀我上華筵橫頭坐賓位那

知我年少深解酒中事能唱犯聲歌偏精變籌義含詞

徒殘拍促舞遞繁吹叫噪擲投盤生獐攝觥使寄吳士

矩云予時最年少專務酒中職未解媿生獐偏務任狂

直曲庇桃根盞橫講捎雲式亂布闕分明惟新聞讒慝

羽葳蕤遊紫垣闔班香案上奏語玉晨尊酬白學士云

並入紅蘭署偏親白玉規又闔班雲洶湧開扇雉參差

又麪梨通蒂朽味無大米帶芒炊精不葦筭錢筒束鰓魚箭

羽鬢又病賽烏稱鬼巫占瓦代龜南人賽鳥鬼紀懷贈李雲

云昔冠諸生首初因三道徵公卿碧墀會名姓白麻稱

荅胡靈之云矮馬馳鬣躡犀荊牛獸面纓一舡席外語

三盞拍心精傳盞加分數橫波擲自成華奴歌浙浙鹽

婿子侮卿卿又還坐唯更草投盤漸廢觥又柳愛凌寒

軟梅憐玉雪輕又兩催魚火焰風引去竹枝聲店卧戲

呈諸公籌筴隨宜放投盤上罰嗔紅娘留醉打舞引

名觥使及醒差酒中觥使又搶旗如在手籌筋那復敢

葳蕤酬樂天東南行科試銓衡局衙參典校尉書判

校正月中分桂樹天上識芻蒲又白麻雲色膩墨詔電

光粗又祖竹藜新筍孫枝厭舊梧又酌樂天待漏入閣

云未勸銀臺契先批浴殿關沃心因特召承旨絕常班

承旨在學士上風閃才人袖宮語嘔鴟軟舉鑲宮花低作帳雲

從積成山密視樞機草偷瞻咫尺瀕恩垂天語近對久

漏聲閑丹陛曾同立金鑿恨獨攀樂天舍人筆無鴻業

潤視愧紫文殷河水通天上瀛洲接世間謫仙名籍在

何不重來還神麴酒云七月調神麴三春釀綠醪雕鐫

荆玉盞烘透內丘瓶戴光弓詩云潞府筋角勁戴光因
合成關吟云掩淡洲煙白籬篩日脚紅江喧過雲雨舡
泊打頭風底子收魚市鴉兒噪荻叢不堪堤上立滿眼
是蚊虫狂醉云崑亭今日顛狂醉舞引紅娘亂打人亞
枝紅云平陽池上亞枝紅在桃花平悵望山郵事事同還
向萬莖深竹裏一枝渾卧碧流中

稹在鄂州周復為從事常酬唱復簪笏見稹曰某偶以
大人往還獲一第其實不能詩賦稹曰實實如是賢於
能詩遠矣

一云微之守浙東繼天守蘇臺述筒唱和內一聯云有
月多同賞無杯不共持兩地暗合

唐詩紀事卷三十七

唐詩紀事卷第三十七



